

中國方志叢書·華中地方·第八四九號

據

清·原步顏等修，袁章華等纂
清道光元年刊本

影印

江 西 省

崇仁縣志

(三)

成文出版社有限公司印行

崇仁縣志卷九

崇仁縣知縣原步顏修

禮儀志 朝賀 接 詔 迎春 操霜降 秩祀

禱護 獎勵

朝賀

萬壽元旦長至日文武官俱朝服詣

上諭亭慶賀行三跪九叩首禮已乃文東武西挨次屈膝坐

如坐朝儀

接 詔

禮儀部

朝賀

接詔一

詔臨豫備龍亭儀仗鼓樂文武官俱朝服赴迎恩橋跪迓道

旁逮

詔入北城東門各官先入南門至公門外祇候

詔到跪迎翼至大堂安定龍亭文武東西排班奏樂用贊行

三跪九叩首禮齊贊聲

唱

班首官詣龍亭請

詔開讀跪眾官皆跪樂止聽宣讀訖樂起叩首齊興隨皆謝
恩三跪九叩首畢眾官退宰官捧

詔入署卽恭發膳黃張懸一面轉頒各屬

迎春

立春前一日縣屬各官俱備儀仗先詣南城之東郭起
春處所候長官騶從至同詣芒神案前起春三上香獻
爵復位行一跪三叩首禮屬官押泥塑春牛隨綵亭所
詣芒神導以綵仗鼓樂先行長官從後由南城東門入
官城東門至治門停供芒神安春三揖退次日屆立春
時刻陰陽生報春到請鞭春各官補服詣芒神前上香
獻爵讀祝文復位一跪三叩首長官三擊鼓率屬各執
綵棒遶牛三轉鞭之禮畢

祝文 惟神職司春令德應蒼龍生意誕敷品類萌達

某
等忝牧是邑具禮迎新佑我黎庶謹以牲醴致祭神
其鑒之

操霜降

直省各州縣立旗纛廟

邑未建

供軍牙六纛神牌歲霜降

守禦官致祭卽迎旗纛至演武場監將臺操兵縣官統
有民壯例亦於霜降日操練爰設旗纛祭而行事所領
壯丁是日齊被標識壯勇之紅邊馬褂爲戎裝或佩刀
或執盾或荷折捧烏鎗充列儀從導縣主臨教場督操
各武藝優者有賞

秩祀一

社稷壇

制詳建

壇繚以垣四門丹飾從北出入壇中立二石主

置木主二一書縣社之神居左一書縣稷之神居右歲
春秋二仲上戊日子時主祭陪祭各官俱朝服由北門
入壇致祀三獻行三跪九叩首禮上香獻帛獻爵獻羹
饌讀祝飲胙如儀

祭品

雍正二年頒

左右二神案前用黑色制帛一白

瓷爵三豕一羊一鉶二簋和羹簋二簋黍稷簋二簋稻
粱邊四實形鹽棗栗豆四實韭菹醢醢菁菹鹿脯

祝文 乾隆九年頒

惟神奠安九土粒食萬邦分五色

以表封圻育三農而蕃稼穡恭承守土肅展明禋時屆

仲春

秋 某日敬修祀典庶九九松柏鞏盤石以無疆翼翼

黍苗佐倉箱於不匱

秩祀二

文廟廟制詳建置 雍正三年奉

旨祭用太牢一豕七羊五樂六奏舞六佾歲春秋仲月上丁

日致祭先期宰官齋戒詣

大成殿丹墀下甬道偏東行省牲禮三跪九叩首畢適貯牲

所周省灌酒注地三乃命宰牲受血於器執事捧安殿
上揖退明日鷄初鳴分祭官祭崇聖祠畢主祭官竝分
祭陪祭文武各官俱朝服詣丹墀分班行禮主祭官正
獻行三獻禮分祭官分獻四配十二哲兩廡行一獻禮
畢送神望燎後齊退分祭官祭鄉賢名宦二祠陪祭官
祭忠孝節義二祠其儀節則贊唱執事者各司其事正
獻官就位分獻官陪祭官各就位執事瘞毛血薦茅沙
階下正祭官迎神率屬行三跪九叩首禮奏樂奠帛贊
唱正祭官行初獻禮詣盥洗所盥手拭巾詣酒罇所司

罇者舉罇酌酒升詣

殿上至聖位前跪上香獻帛獻爵三叩首奏樂興詣讀祝位
跪衆官皆跪執事讀祝文畢俱三叩首興贊唱分祭官
詣四配十二哲分獻畢復位贊唱正祭官行亞獻禮終
獻禮俱同初獻復位終獻畢贊唱正祭官詣

至聖位前飲福受胙跪衆官皆跪正祭官受飲畢叩首興復
位贊唱徹饌辭神奏樂三跪九叩首興讀祝者捧祝司
帛者捧帛各詣燎所焚祝帛衆官望燎揖退禮全

祝文 惟

先師德隆千聖道冠百王揭日月以常

行自生民所未有屬文教昌明之會正禮和樂節之時
辟雍鐘鼓咸恪薦於馨香泮水膠庠益致嚴於邊豆茲
當仲春祇率彝章肅展微忱聿將祀典

崇聖祠乾隆十八年禮部奏定正位五壇每壇品實視文廟
四配東西配位各一壇每壇品實視十二哲從祀東西
各一壇每壇品實視文廟兩廡祀期同文廟正獻官一
員分獻官四員用鼓吹先詣祠行事正壇行二跪六叩
首禮

祝文 惟王奕葉鍾祥光開聖緒盛德之後積久彌昌

凡聲教所覃敷率循源而溯本宜肅明禋之典用申守

土之忱茲屆仲春聿修祀事

名宦祠祝文 卓哉群公懋修厥職澤被生民功垂社稷

茲惟仲春謹以牲醴用伸常祭

鄉賢祠祝文 於維郡公毓秀茲邦懿德卓行奕世流芳

茲惟仲春謹以牲醴用伸常祭

忠義孝弟祠祝文 惟靈稟負貞純躬行篤實忠誠奮發

貫金石而不渝義問宣昭表鄉閭而共式祇事懋彝倫
之敝性摯莠蒿克恭念天顯之親情殷棣萼模楷咸攏

夫懿德

綸音特聞其幽光祠宇惟隆歲時式祀用

陳尊簋來格几筵

節孝祠祝文

惟靈純心皎潔令德柔嘉矢志完貞全閨

中之亮節竭誠致敬彰閭內之芳型茹冰檠而彌堅清

操自勵奉盤匱而匪懈篤孝傳徽

絲綸特沛乎

殊恩祠宇昭垂於令典祇循歲祀式薦尊醪

四祠規制見建置部祀儀與崇聖祠同

祭品 據闕里志編

聖殿正壇

帛一

篚

素帛每段長一丈八尺旁織禮神制帛四字

牛一俎 雍正三年 羊一俎 豕一俎 酒三爵 白大羹一

特詔增

登和羹二 鉶黍一 簋稷一 簋稻一 簋梁一 簋形鹽一 薨

魚一 棗一 栗一 榛一 菱一 芡一 鹿脯一 白餅一 黑餅一

自形鹽以下至黑餅 共十皆以竹籩盛之 蕡苴一 芹苴一 笋苴一 菁苴一 醯

醢一 魚醢一 兔醢一 鹿醢一 脾胎一 豚胎一 自蕡苴以下至豚胎

共十皆以木豆盛之 各種酒罇備列

四配每位各一壇 每壇設帛一 簠羊一 俎豕一 俎爵三

酒鉶一 和羹簋二 黍稷簋二 稻梁籩八 形鹽鹿脯 榛菱

芡 棗 豆 八 蕡苴 芹苴 笋苴 菁苴 酒罇一 栗 醢 魚醢 兔醢 鹿醢

十二哲東西各二壇 帛二同一羊一俎爵三酒 鉶一和

簋一黍 簋一稷 籩四形鹽 鹿脯 豆四菁菹 芹菹 酒

罇一

東西兩廡各三壇每四龕一壇 帛一羊一每廡十二龕分用三羊四

龕共用爵四簋一簋一籩四豆四簠簋籩豆所薦與東

羊俎西哲同酒罇一

名宦祠

鄉賢祠

忠義祠

節孝祠

以上俱用帛一豕一爵一簋一簋一籩四豆四

按東西哲賢東西廡向未用少牢惟豕首豕肉乾隆十八年癸酉經內閣會典館奏准十二哲東西各豕首一盤每位豕肉一盤兩廡先賢先儒一百二十七位東西各豕首六盤每位豕肉一盤陳設處皆緣前明之舊今十二哲東西各改用少牢一案兩廡各改用少牢三案又十二哲每位帛一東西共筐二兩廡各增香帛一案陳設正壇依次分列帛一爵三列於神位前爵前設盤

登左右列銅簠簋列登銅前簠東簋西籩豆列簠簋左
右前各分三行籩左豆右籩豆前爲俎爲香案其儲帛
儲罇案傍香案後偏左讀祝案傍香案後偏右凡案各
輝小燭二惟神案香案各雙輝大燭香焚沈檀降眞滿
堂氤氲各壇俱照式遞減陳設

禮器

歷次奉制
製造

毛血盤二

勺八

酒罇四

以上銅器

茅沙盤二

登一

盥盆二

以上錫器

焚二

鼎十六

銅二十二

簠六十一

簋六十一

毛血碟十六

香爐十八

著罇八

罇罇八

爵五十四

以上奔器

供桌六

祝版二

俎二十

豆二百四十六

饌盤十六

牲盤十八

燭臺五十三對

高照四

十座以上木器

籩二百四十六

帛篚十八

以上竹器

燔爐二

庭燎爐八

燔父四

燎父八

以上鐵器

幕幃八

桌幃十八

以上綢器

幕巾百

此下外置備用

皿盂百

瘞毛血鑊一

盥盆架十